



# SPRACHWELTEN

## Tge vesa la divina dra?

In inserat en la gasetta m'ha fatg attenta. Plain mirveglias sun jau ida tar ina divinadra en la vischinanza. L'emprim ha ella zavrà las cartas ed a la fin ha ella incassà 70 francs. La dumonda è però restada: tge vegn a sa realisar?

In mez onn pli tard. Jau emprov da ma regurdar. Enfin ussa n'è nagut sa realisà. U forsa tuttina? Intginas chaussas èn sa verifitgadas, u almain èn sa mussads ils emprims indizis. Ma co poss jau als interpretar? En sasez na fascinescha la predicziun betg mai. Però il parairi da la divinadra correspunda talmain a la realitad ch'il rest cuntegna forsa era in zichel vardad. Qua pudess ins discussiunar uras a la lunga.

Reiki, meditaziun, terapia da l'aura, crappa energetica e leger cartas vegnan associads cun cugliunaria. Tgi che ha dentant access ad ina da questas metodas esotericas, saja quai sin fundament d'experientschas, discours u lectura, vegn a schlargiar l'orizont sin in stgalim surnatiral. Quai è forsa l'emprim pass en in'otra vita. Tgi che ha snuizi da l'intschertezza na vegn mai ad experimentar quai ch'è nunchapibel. Ma nagut n'è impussibel. Joga per exempel è gist uschè interessant sco in gieu da jass, e l'aspect positiv è ch'ins emprenda d'enconuscher meglier sasez. Qua na gioghi nagina rolla tge che la divinadra vesa, pertge cun far joga pon ins observar sasez il meglier. Jau m'enriclel d'avair pajà 70 francs a la divinadra, ma jau sun ventiraivla da l'experientscha che jau hai fatg e plinavant m'interess jau era per Reiki, meditaziun e ...

*Sibylle Pfiffner*